


Reykjavík, 6. september 2012.



Umhverfisstofnun
b.t. Sigrúnar Ágústsdóttur, sviðsstjóra
Suðurlandsbraut 24
108 REYKJAVÍK

Efni: Beiðni um endurupptöku ákvörðunar um starfsleyfi.

Fiskeldi Austfjörðum ehf., kt. 541185-0389, hefur starfsleyfi til framleiðslu á 4.000 tonnum af þorski og 4.000 tonnum af laxi í sjókvíum í Berufirði. Með bréfi þessu tilkynnir Fiskeldi Austfjörðum ehf. um áform um breytingar á rekstri þannig að í stað ofangreindrar skiptingar á eldistingundum áformi félagið að gera breytingar sem felast í að ala 6.000 tonn af laxi og 2.000 tonn af regnbogasilungi.

Fiskeldi Austfjörðum ehf. fer þess hér með á leit við Umhverfisstofnun að endurupptekið verði gildandi starfsleyfi að því er tekur til tegundagreininga og magns samkvæmt ákvæðum gr. 1.1. og 1.2. í starfsleyfi í samræmi við ofangreind áform félagsins. Beiðni þessi byggir á ákvæði 2. tölul. 1. mgr. 24. gr. stjórnáráðslulaga nr. 37/1993. Ofangreind áform félagsins fela ekki í sér breytingar á forsendum starfsleyfisins enda um að ræða sama eldismagn, eldisstaðsetningar verða óbreyttar, fóðurmagn verður óbreytt og rekstrarfyrirkomulag sömuleiðis óbreytt.

Vakin er athygli á því að samkvæmt bréfi skipulagsstofnunar til Fiskeldis Austfjörðum ehf., dags. 4. september 2012, kemur fram að ekki sé talið að umrædd áform séu tilkynningarskyld samkvæmt 6. gr. laga nr. 106/2000, um mat á umhverfisáhrifum. Þess ber og að geta að regnbogasilungur er tegund sem ekki fjölgar sér í íslenskri náttúru og er því ekki mögulegt að til komi blöndun á erfðamengi við náttúrulega stofna. Þessu til viðbótar skal bent á að ekki er um að ræða flóttahættu í eldi á regnbogasilungi eins og um er að ræða í eldi á þorski. Allt ber þetta að þeim brunni að umrædd breyting er til hagsbóta fyrir náttúruna.

Vísað er og til áðurútfeginna starfsleyfa á viðkomandi stað frá árinu 2000, 2006 og 2009 en leyfið frá árinu 2000 fól í sér heimild til að ala 8.000 tonn af laxi. Skal í því sambandi bent á að regnbogasilungur er ein tegund laxfiska.

Af hálfu Fiskeldis Austfjörðum ehf. skal upplýst að félagið telur að öll skilyrði til endurupptöku ákvörðunar um starfsleyfi séu fyrir hendi, sbr. ákvæði 24. gr. stjórnssýslulaga. Kemur þar annars vegar til að upprunalegt starfsleyfi kveður á um heimild til að ala 4.000 tonn af þorski og 4.000 tonn af laxi en í ljósi áforma félagsins um breytingar á eldistegundum verður að telja að ákvörðun í starfsleyfi um eldistegundir sé íþyngjandi, sbr. 2. tölul. 1. mgr. 24. gr. stjórnssýslulaga, enda hafa atvik breyst verulega frá því ákvörðun var tekin. Þá ber enn fremur til þess að líta að beiðni sem hér um ræðir er fram komin innan tímafresta sem kveðið er á um í ákvæði 2. mgr. 24. gr. stjórnssýslulaga. Áréttað að beiðni þessi lýtur einungis að tilgreindum breytingum á ákvæðum 1.1. og 1.2. í gildandi starfsleyfi en jafnframt að öll önnur ákvæði starfsleyfis standi óbreytt.

Verði ekki fallist á beiðni þessa er gerður sá áskilnaður að beiðni þessi haggi í engu núgildandi starfsleyfi.

Virðingarfyllst,
f.h. Fiskeldis Austfjörðum ehf.

Þórour Þórðarson, hdl.

